

新刊國朝二百家名賢文粹

新刊 國朝二百家名賢文粹卷第九十

書

上監司帥守書一

二兩浙運使書

夏文莊公

伏以國家之制內外分職內則中書以敷號令樞密以掌六政
三司以計國用外則輸運之司使領方面其職有六其政有五
糾姦懲明簡稽察利害平冤推通商賈重廢置之謂六職矣
使能報功卹刑愛民之謂五政六職修則國豐財五政奉則官
稱職豐財則無重歛稱職則無繁事然則六職之要在乎糾姦
懲五政之大在乎舉賢能何則若執事之麾下地長千餘里官
不啻數十百負人心如面罔或純一貪夫徇利皆曰上官煩劇
不暇按省故安於懈惰奢於賂賂以昧執事執事果知而罪之
則爲惡者沮矣廉吏砥節皆曰上官明允有能必奉故服於勤
恪甘於冰檟以待執事執事果知而賞之則爲善者勸矣然則

多則惡不如多事賢傳曰高稱善人不善遠矣其是之謂執政
某之有待於執事也非一朝一夕矣某本無他才癖嗜儒學雖
不得無旨而頗知戒訓居貧而固其節臨事而專其守勾乙案
籍之暇則伏讀先王之書日飯菜蔬數十本若牝牢水陸之味
而又侑之以鍾鼓歲服敗絮數千縷若衣文綉紉綺之裘而又
映之以珎珎非不知富貴之可悅貧賤之可厭也蓋富而憂不
若貧而樂者此嘗念事父之日食飲鱸膾衣繒厚絮無何近丁
家之禍墜於徒勞縣官日給斗粟數十百錢同舉十餘口嗷嗷
然皆有菜色必貸什器質衣衾而後充其費窮如是困如是誓
不忍孑孓穿窬之盜蠹耗蒼生而苟且衣食雖清廉之吏亦信之民
以心計我而時命義義終鮮已知昨以道干少卿陳公公以一
言不足而未味省也退而度生成之地無出執事之門何則其
為重之年嘗聞執事訟庭一立提幹吾道暨今處麾下復大觀
說書薦拔又主臺公無私夙夜緊繫然恨不能負綬執鞭以遊

欣慕之心今少卿有鄱陽之命而執事按行常隴其之區區如
執得罹但恨偶繁有薪之疾不能興不及稽首衡鑑之下仰干
題之圭豈天復未開某以明公之知乎願執事哀其窮滯聽
察言行若矜其廉慎擢於行伍必能恪居官次守死善道不敢
貪慢以累明德若念其愚直率之諫科必能待詔公車對揚王
庭不敢佞媚以辱通鑑詩云惟其有之是以似之書云李能其
官惟尔之能是則善有所在公其捨諸惟天曷日知我之不
欺於執事也矣惟執事辯而明之若執事聽之以爲是誠幸矣
若不聽之以爲非是亦幸矣是與非第與違皆取聽於執事願執事
不惜一言而裁之於戲日月逝矣功名未立文以足言願至任直

上提點張郎中書

孫文懿公

提點郎中執事某聞古君子之審已求知也履道以孝順其誠
輔正無苟冒無佞合道篤而醇焉故非僻堅僞者不能汚其用
誠感而公焉故蘧蒢戚施者不能伺其隙傳執是柄然後樹勳

明憲懷德乎永劬竹帛自正軌公變澆源存流儀秦以游說興
現術以術數起故馳騫之士皆締交結黨靡聲於權利間以賈
售其伎風靡俗貴稔而不改道之正者何從發哉噫秦漢得正
有慙色於三代者非他上苟交而下詭遇故也某不佞得是說
以砥礪于內始冠歲則公泗經史秉筆李為文章凡寓意指辭
必據仁義蹈禮儀以求合聖人之旨有駕立虛誕賊教化者
援引鈐較辨而正之伏勤甘困功力孔攻且思贊乎博古當途
之賢以振其譽暴生育遐徼邈遙中士公負束賤累愆蹇弗進今
年春裏足游京師始涉時事名晦授身飛纓綉拖鳴玉無一奇
遇者伏聞執事性嗜古道力提儒術填歲貶薦庠序以文受知
于故舍人孫公唱和大教并排異端琅琅正聲鏗越前後當時
縉紳之士方語一意咸謂有唐韓文公牛相之欣會殆無以過
某竊樂其事是以拂冠振衣求進左右執事得不為之留念乎
况執事踐華貴膺巨寄刑名之輕重歲訟之枉直皆糾臬察

影無遺遺一日妖揚茂績步武密山則拔寒極善之極旨自今
日始近文一編謹繕寫拜贊非敢矜誇淺陋過希許以善備農
民者思進聲音之技遇王良者思効馳驅之力急於求知而艱
於自明不伏異曲示龜鑑且加繩墨悖至順者授教本以革其
妄矣大正者鼓淳風以警其蔽俾道之履也無駁誠之立也無
濫則累載憤懣之幸盡決於是矣可進可退恭候嚴命

上賈運判書

蒲左丞

宗孟啓伏蒙奏舉宗孟堪充京官親民任使者竊以古之知人
不類於今古之知人也易今之知人也難古之知人也以誠今
之知人也以法以誠故易以法故難易則取人也詳難則取人
也略故奉官之令行而知已之道衰古之知人不若是牽拘檢
迫之峻也有取其才有取其行有取其應對之長有取其勤勞
之功有取其朴謹有取其超逸有取於盜賊有取於管庫有取
於屠狗有取於負販有取於閭閻有取於聲勢但有益國家則

陸進拔擢無私之可畏無罪之相連今則不然一失其舉遂遭
從坐多力者易以自進何則雖甚不法人人自相保全援寡者
難乎見知何則雖是其才往往不自蓋庶其間寒進又有多端
上官不暇於知人密法惟知於避過庸謬而稍廉者卒皆應詔
才秀而自負者反或見遺後曰是雖常人粗有廉節不知悞物
可無大憂才秀自高則衆人所窺踈雋少缺則百摺並至易以
觸禍難於自持所得不多其弊已甚上之知人既如此之艱下
之取知於上者又不以禮義諮詢容諛聲翕翕譽言足恭巧言白
希悅已千態万狀無所不至儉言若純僞行若絜飾詐若朴舞
智若才一日如意名節俱換不恤知已與曩迥殊鼓而成風薄
惡可垂大抵奉知之多則爲累衆報知之少則被責稀條然絜
修其間有機巧欲無累其可得乎今者執事之所以取於宗孟
而宗孟之所以辱知於執事者非有諂容諛聲足恭巧色以于
乎左右之譽非有險言僞行甚智飾詐以動乎觀聽之間執事

不待其求遽然見與豈法之牽拘檢迫不能移執事之誠耶執
事不懼衆人之所窺不憂百拙之易破特加採錄猥賜薦論自
謂相知古人不及執事之知宗孟也既以誠則宗孟之報執事
也其可徇世人爲拳拳於簿書役使守小謹以不累知己爲自
足耶不佞輒敢奮發希冀聖賢事業託名當世期於樹立不至
磨滅以汙辱門下而後止焉耳狂愚之人仰恃提拔偶因叙謝
略布所懷不勝僭越惶悚之至

上運使王工部書

強郎中

某竊嘗謂知人不以古君子之道不足稱知人爲人知不以古
君子之道不足稱知己古之知人者在盜囚徒隸而知其賢落
魄困屛而知其非常材千百人譽之不加重千百人毀之不加
輕爲人知者以道自處而不苟然始一節而不奪雖榮悴方變
而知已之分不移也今之知人者或始德而終凶或始收而終
弃自顯榮者爲之賢顧卑賤者爲不肖一常人書之唯恐知之

不深焉一常人毀之唯恐黜之不早焉求知於人者松筠不足
語其操冰霜不足語其潔端端焉唯恐人之不已知幸一知焉
則向之操反爲殆向之潔反爲汚故改節首鼠之輩與焉然則
孰爲然哉蓋古之人以誠今之人以不誠噫豈古之人皆誠而
今之人皆不誠哉某之言主乎人不主乎時與今而行古之道
豈必不誠哉在古而反若今之爲豈曰必誠哉系乎其人介恭
以執事文章事業與古賢並知人之明有過者矣若某之愚不
似豈宜以古知已之說于左右蓋其他誠不足采也若一節不
變自謂無愧色是敢進說于大君子之前若乃執事之全德具
天揭諸富貴而其白故略而不講浼瀼威重伏地待罪不宣某
惶恐百拜

二運判馬太博書

強郎中

正月日具位某謹百拜獻書運判太博明公執事某常病今幸

者始攘取六經之文以爲詩章幸一中第則志滿意得曰吾方
從政安暇學爲浮票不根遂爲淺人噫君子之於孝豈儼其名
而止哉蓋曰終身而已矣某不佞於他無足道唯是嚮孝之心
異前之云者雖奔走賤辱未始輒忘孝也竊嘗謂孝患不通經
經苟通則性識明而又深醇不經之文猶能華爛漫見者悅之
終亡益於實也雖閭閻爲小文視今之得名者或輒犯其鋒然
於聖人之道則浩不知所濟思得大人先生傳授聖言之微使
術明而性通然後發爲文章行爲事業以成某之志者有日矣
恭惟執事李際聖賢名重當世六經之道自己深明而力行豈
獨裕諸已哉必將推其餘以及學者則某平日之志願成於門
下或曰下吏之於上官非公事起居不得輒至其前乃欲受教
僭矣某曰不然爵位有尊賤傳道無尊賤之開設孔子爲司寇
頃三千之徒鈞爲司寇然後乃傳道聖人之意不亦狹哉則誨
人不倦不爲孔子言也若乃論窮訐滯艱難有乞憐之辭此衆

人之所以望衆人非其之所以望執事也子冒威重進退候命
不宣其辜恐百拜

上漕軍書

西塘先生

天下之言廣大則無以尚於天地也言高明則無以尚於日月
也言平均則無以尚於權衡也言清白則無以尚於冰雪也然
而四者道之分非道之全若道之全則非廣非大無乎而非廣
大也非高非明無乎而非高明也非均非平無乎而非均平也
非清非白無乎而非清白也是故無道之爲廣大高明均平清
白者亦無有廣大高明均平清白之在道也故稱天下之物而
無以大乎道也古之爲君臣者辨此是故辨此而君臨其下者
有道之君也謂之大君辨此而臣事其上者有道之臣也謂之
大臣辨道者至而位其下無害爲大辨道者不至雖位極公相
無害爲小故抱關擊柝執箠秉耒而有用事之德此大人之沈
下僚持鈞握衡華冕大佩而有市井之道此小人而在高位也

子曰所謂大臣者以道事君不可則止今由與求也可謂具臣
矣楊子曰昔者齊魯有大臣史失其名以叔孫通欲制君臣之
儀召先生於齊魯魯所不能致者二人而已彼則未嘗列職登位
而謂之大臣則古人之所謂大者其可知矣伏惟運使下車而
廉潔之名震于南方其貪墨漁取如盜如奪者一旦不知自何
而去也其爲清曰至矣賢者進不肖者退勸善而懲惡伸怨而
違滯未嘗不精審詳察不容毛髮不正不直於其間其爲平均
至矣以仁義忠信爲具璧而珠犀牙玉糞土也以爲吾之所保
合天下方物不足以當其毛髮是故莫之能累也其爲高明至
矣其視一方與天下等其視一物與萬累等不以所居之廣狹
而狹其居不以所任之大小而小其方其爲廣大至矣四者輔
弼之道也公相者輔弼之位也有輔弼之道而未居輔弼之位
無寧爲輔弼之臣位至而道大濟矣天下所以望門下豈特額
海之間爲井巷歌謠願公壽考福祿者哉俠少知是道而偷竊

隨事而行者也自初任行之於光之法祿三年也又行於京之
安上門二年自安上得罪行於英之殿所十二年也由英蒙人
恩賜歸行之於泉之教官與錄參又十有三年之間也又從是
而復寬英行之三年其仰門下如父兄之至其師依盛德如子
弟之歸其家而迹不造於公屏名不聞於將命者則以身在罪
矣故也今茲聖恩汪濊得與虫魚草木咸被休澤脫去囚桎而
歸邦里是宜朝受命而夕拜門而窮窮之極蒙無錙銖之積市
屋不售般挈數口不行是以濡滯爾然亦不過旬月則登門闕
承警教有日也是以不勝區區私自慶慰謹布一二于左右而
爲拜見之先伏惟無新故賢愚之間惟順於道者是爲必賜然
可不宣

寄毛憲書

龜山先生

如聞如我溪洞寇邊將已失於制禦或恐使旆常有湖北之命
一方小警固不足煩細略然公之威德素爲邊民信畏旌取一

行使朝廷在兩翼之憂亦非小補也某嘗謂邊事之興多出於
釐功幸利之人黷武玩寇不以朝廷大計爲念視生靈荼毒若
非已事恬不以爲戚夫蠻獠猖獗自古然也緩之則豺噬豕勇
干紀而不受命急之則鳥驚魚散依險以自匿蓋其常態也不
務撫刷之使恩威兩行乃欲幸其有事草薶而獸羈之以求有
功一有失律則敗衄不支上貽朝廷憂此邊吏之大弊也某愚
無知不能曉時事然自少游四方竊觀當世公卿賢士大夫爲
不少矣然未見憂國如家視民如赤子有如公者此正朝廷今
日寄委之意也然溪洞之民恃險爲茲非一日也必欲加兵盡
誅之則正猶馳韓盧搏蹇兔於穴中雖有疾足無所騁也更願
磨以歲月無急所功要足以安馴服之而已夫致人而不致於
人爲主而不爲客亦兵家常勝之道也識淺智昏暗於事機何
足以上裨高明然自以爲辱大君子之知而意之所欲言者不
敢不自盡耳澆瀆清視惟仁明矜察幸甚

上朱運判書

後山居士

某持拜不學無術得邑僻左承前通帶之餘簿書期會糾紛熟
爛不可廢拾健訟之民一不得氣抵郡刺史訕謫官長長短視
遠近常得其影類多見聽追還證左析楊相推囚繫素情益于
門戶之外聽事以來于今八月惟是省度短絀裁割未有見効
夙夜履水須至謹詞則免冠就許歸伏丘壑以安無能之分加
以山野不曉事與中朝士大夫絕不相知故於門階無一日之
雅進寸退尺終不敢驟以書通今者豈有以不肖累左右者乎
乃蒙過聽識拔於衆人之中以備使令祇命惓然恐不任職策
以負高明之舉也然伏思閣下才品豈越簡在欽明將朝廷不
異遠方之寄來作雷雨下車未幾惠威敷於江西切嘗訪之親
識間決事若流誠得執鞭走趁陪輔千慮之一實所欣慕大旃
按引將臨下邑當以執事待罪輒自達小人之情秋暑尚迺伏
祈調護行李爲國自重區區不勝至願

上劉運使書

跨龍先生

某不佞自念有生九千三百日無半口氣向人出好音聲得一第例竊太倉一百五十斗米而田舍子門戶塵陋不當在人牙頰空頭過身退避詞諍如腐鼠敗草逐盡埃以沒分定故也重念當道諸公日洗冰鑑夜去聲援以一味至公主擇西南士人其何苦自廢垂竭羽翮使腹背之毛爭先呈露是亦天地間一物可惜數身某嘗聞馬得之驢驢禽得之駸驪劍得之湛盧草得之杜蘅世之人不問簪巾不啻其陽氣見於眉宇之間俊者在前自起人意他日視驚駘視鵠梟視鉞刀視梯稗未嘗不心惡而切齒士之俊茂當十倍於此且以全蜀千里詩書方家導江岷峨之酒子洲君公雖已死千百年中佳氣未絕塵外奇特往往過眼時未有品題曰此龍驤此瓊枝此南金此國寶此明堂村山清廟器此千里駒而先後之容或無可借故瓊玖之蒙揀弃之老殆不勝乎一嘆恭惟閣下駕使者車澄清劍外名聲日

新標度益高主持風末以先士林極拾豪傑盡今出我門下他人手臂不敢輒相推動而特陽攻先儒冷灰土之貧賤適丁是時且有妾想矣往年朝廷有經行之幸閣下取樊生又取彭山窮山中人子子無謀僭者自是劉公一紙書使人珍重愈不易得矣舊文二編為左右贊廉按之餘俯賜觀覽去取在公某非敢望也

張軍判書

同前

某任妄竊調閣下排徊蜀道士風氣俗人之情偽盡知之矣士賢不肖區處有方而塵外可特搜抉幾薦絕無遺漏蓋上以報明天子區區遴擇之意下將流不竭之澤於門戶此時直道晚庭衰薄真無負於士類某也獲為部吏謹守出納聲迹么麼自當泯默泥土中而當路諸公主持風誼往往不先要接首故寒素某又何言自禱精魄以幽獨為間夫竹頭木屑斂之似猥而敝冠雞肋棄之可惜竊竊之竟敢收參木之具清廟之祭不遺

沼沚之毛獲公漆梓爲哭註在於他日李衡木奴餘利註其子孫
某之於公妄意在此伏惟閣下樂善忘勢推賢有後陸機入洛
初從閭里之俊游賈誼上書本亦少年之故事今茲持節聲高
士林如其何人竊窺下客欲曳裾危榻以騁騁風流願借脩貞
一帋書以靳脫去選曹庶就異時万里駟策之轡註此其志也且
貴戚書多而种嵩猶与一孝廉興縣雖疎註南列一吏部止水
不搖冰鑑註難欺在閣下屬意

新刊 國朝二百家名賢文粹卷第九十

書

上監司帥守書一

上胡運使書

陸龍先生

某不給往日讀書第山樑觀古今治亂廢興之迹十年一室千
百年事蠅頭鬼名樓樓方寸間軒眉高談刷去塵土便詣一日
接貴人不卹等差左手持衣袂右手揮松塵吐朝野病利出所
著書要以驚怪入官二年始悟所養些髮不可施設如三日新
婦鬱鬱鬱鬱氣仰視一壯貴人十九器宇潭潭希言無色可望而
畏啓齒問士不過邑里姓氏所從來士人執板避席曰某鄉某
家子此外吞屏不敢談貴人旦起坐堂偶賓從攷程案送歸還
來有宴笑有行樂有歌舞俎豆之御有琴音射儀之好曰晝飛
騁學不窮夜火照眉已爛然困矣孤子之士貧無牙頰獨庸
翰墨頭所長投貴人几下真沙粒入滄溟其相知無幾耳方今

西北之塞間作黃河之役不解法令換易財用未殷士人班班有能談治道者是人材可以言語取而貴人不果賜間燕虎豹炳於大馬爲鳳炳於燕雀足以藻綉治具先華聖且是人材可以文孝取而貴人未遑議物外風氣猥入洋穢何時而拔此直其所以爲治也閣下三吳世家世世區處文武士持節入蜀主荷風味以先士林強力大援不能贊一辭而西南英特多出門下竊度閣下不以言語取則以文孝取之矣如此而其又何病焉舊獻所業已瀆清重一之謂其其可再乎

上王提刑書

同前

某的耕山中知春種秋斂候雨雪之時不時螟賊蠶螭之有無爲終歲喜樂憂戚事筋力未大成不堪秉耒耜即肩芋羹豆飭早晚饋田士伏臘有黍釀豕炙一身飽暖遑恤其他公兄油然詔季書意識偏傍與門戶充縣官役足矣而同舍有忍酸辛信空夢闊視虛名以有必得之術行欲與知人家國事其內詠其

說去而東之率然落有司沙汰中謁今尉幸緝熙日之法度完
密中和保養四方而一夫失職親於民者起視左右無刀斧繳
繩可忌而畏或不禁其口且言之當路當路者起視朝廷無安
斤遂与桀鑿鑿言者且列而疏之故甲合之益不内量乃欲分
辯當否刻畫狗鵠窮盡小識以取衆人指目果得盡所欲言曾
何益成事耶自念從仕日淺耳目所聞睹有戶絕之弊有功場
之弊有益賊斷獄之弊其不便於民者炳炳也宴方丈者歟因
李之飢醉酒漿者悲向隅之泣而名卿才大夫何得不爲失職
者慮耶何謂戶絕之弊且世之人爲身謀者爲其子謀也占熊
羆之祥設弧矢之具祝廟鬼掃先塋孰不欲有後耶推襲尊之
轂倚張馬之床正善甲覬美官眷眷爲其子樹立也帚聚箕歟
銖求寸積胼胝其手足焦爛其思慮盡刀之得不以与諸人借
菽水者相而授之爲其有子也百歲後不可諱則倉庫牛馬有
定簿管鑰雖寵奴幸婢靡一毫之得者爲其子繼也今不幸至

戶絕者隣宇門官吏據堂括出籍人恐其後死者目未瞑而一簣不得著身法雖許葬送齋供之費給付近親或令得財產者同為管辦緣法止許給財而不及葬地故率文之吏不敢撫已沒之田俾戶絕者穿鑿甚者妻不得附夫子不得陪父松楸墳墓一坏之士無非官有茲法之弊也夫封樹皆古之制而掩骼埋骸漏泉之所先安有太平赤子而不得入地以葬耶此誠可悲也何謂坊場之弊蓋商於海者不寶珠玉則寶犀瑁商於陸者不寶鹽鐵則寶茶茗持壽權衡斗筭間累千金之得以求田間舍大婦烜簪珥小婦曳琴瑟茲商賈者所願也漁於海者志魚獵於澤者志獸牧婦姑滌錡釜羽毛齒革久登於俎茲漁獵者願也蜀婦守丹穴白圭觀時變雍脂濁腠乃藏強雖千万人願以為陶朱家家願以為猗頓則所在者莫必得也今承買場務不幸至於敗闕一年無人投狀而弊墨乏官背項相望路繹道左其保明供申不過指人煙指南林指道路諸人煙有疎

窮商旅有多寡道路有僻要交馳文具徒虛語耳一日款關之家生事蕭蕭逋欠安至追胥滿前必不得已則傾餘讓售法具以逃旦夕之責甚者離室家質血屬投哀乞憐於親戚故舊父子昆弟非喪居凶歲而戚戚有不保長年之色譬猶出力重負計百里而止日之夕矣重不得釋從而益之主人鞭其後以進是則實封投狀百里而止者也亟改者不過以實封爲罔民然不問贏虛耗息而代者自至今立額大率高於實名而奸謀之人自欺者爲覆車蹈焉之戒豈不籌其不可耶是敗闕之家重負終不可釋也法有以減定額錢問見活人且添三分錢止防見活人欺給而官吏舞文雖他人承買亦以添二分錢爲率則是前日之斛量減價爲未減也故擅一壑之甘守已遂之業即規從末減錢數輸送其寅緣而愈愈不可究上下結密共成一網欲焚其理之者殆不勝其勞也何謂盜賊斷獄之弊且天下強吏少良吏多強吏常令法在我良吏常以已殉法法在我則

人畏已殉法則已畏與其已畏寧若人畏良吏之不及強吏也
明矣鈎曲傳致逆得事情神明之斷出沒胷臆間廣齊之示彈
肘之感屏息不得發果畏其強耶強吏之爲強惡姑息耳今法
有按問欲奉條其情有不堪憫者例得減等法意務本忠厚而
爲政之實何可惠茲今盜賊率以此相慶而良吏定罪狐貉輕
重引避失人之罰至謂索安不以賊勸人而吾曹希收守望率
相何苦分外按數毛脉吹求疵垢煅煉束縛致人於不免耶是
攘秦人裘拾楚人弓取高朝環瞎子御羊掠士衡舟奉獻之禮
類盜也一切得原免甚可怪矣情使乙爲盜甲緝之物色其人
而已獲贓證乙勢既蹙盡舉其所爲是甲無適而不爲盤詰計
問乙無適而不爲能自首服此固決不可長立法之弊也吁豈
人人強吏而能池懲之狀往年朝列有爭數人之殺其夫者妻
不當減其議不合卽緘噤以去天下不如人意事何止八九耶
楊素曰癡人欲了官事官事未易了素真知言哉閭閻之蜀求

民之瘼且留情於法令一紙形容膏漢間接蒼生於淪胥其憐憫而不貳耶近時廣收常平米意非不生也議者以數年之糴紅腐相因而南亡有水旱之變不可以厚積某度閣下一出則此事便已可人易曉而易聽從已而脂轄叩叩蜀隨處輒取彼固執者距至是耶雖然士之可与晤語者衆而堙伏下微泯泯亡先容多言則爲躁大言則爲狂言而不當則爲妄某處之可疑矣

上程提舉書

曾國先生

某暗塞不通世務獨於諸書粗知首尾而平生所爲馬好者惟孟子七篇因其言以推其爲心則其去取略可見矣其書曰求則得之舍則失之求有益於得也求之有道得之有命求無益於得也所謂求有益於得者果何物也在我之固有者也我固有是惻隱也我固有是羞惡也我固有是辭遜也我固有是是非也反而求之則萬物皆備爲仁義爲禮智聚而爲浩然之氣散

而充塞乎天地之間舍而不求則集義所生者遂至於枯亡而
不用之心不免於茅塞日夜之所息雨露之所潤者萌孽未勝
於芥片牛羊而終制於濯濯也故曰求則得之舍則失之求有
益於得也所謂求無益於得者果何物也在彼之儻來者也是
物也如游塵如野馬如蚊蠅之過耳如風雨寒暑如空中之浮
雲來莫知其所至去莫知其所適來不可得而留去不可得而
追求之未必得而不求者或得焉故曰求之有道得之有命求
無益於得者也然則孟子之去取其亦可見矣有益於得者孟
子求之無強於得者孟子不求也某自幼讀書見家事師於鄉
求友於京師從當世士大夫遊僅二十年既而倦之默坐終日
觀一性之初以求孟子之所求者而莊斯竟未有所得今復置
此而從事馳騁以求子學之所不求者亦昧其初心爲知道者
所非笑哉然竊聞之孔子曰可與言而不與之言謂之失人不
可與言而與之言謂之失言說易者曰豫之初六未可豫而豫

故有鳴豫之凶六三可豫而不豫故有肝務之悔恭惟閭下負
俊敵二十年今為聖天子奉使萬里聰明通達如明鑑止水而
其於此時効官左右得以朝夕受誨真孔子所謂可言而易所
謂可豫之時矣若不稍自振護以投一時之機會則不亦求大
而有肝務之悔乎用是忘其鄙陋而妄有干說於左右幸閭下
少垂意而加察之不勝願幸干瀆威重戰越汗下不宣

代姚美叔上梁帥書

斜川居士

某嘗讀史見趙平原君時有客毛遂素不名聞於衆人一日秦
圍邯鄲平原君患之為求哀於楚選門下士二十人與之俱得
十九人而毛遂請行平原君強聽之十九人者略無所施而毛
遂捧盤歷階定從於跬步之內使趙重於九鼎唐封常清高仙
芝之謙也初仙芝以其貌陋且跛常清屢自陳不得已置名謙
中軍破達奚常清於幕下潛作捷布具記并泉次舍克賊形勢
仙芝大驚由此顯名為時良將某以為一人方陸沉自晦居在

泥土不遇豪傑之士引而出之付以事功則不過一匹夫耳餓死於溝瀆與草不同腐必矣又何以表見於後世哉某竊不自量結髮讀書有志於古人不肯碌碌俯仰於士大夫之間思得豪傑之士爲之執鞭念如毛遂封常清之流不爲人知則已僅得知已不以衆人遇我則赴水火蹈鋒鏑不在古人後今罪戾之餘不足道也蓋歎如此可以甘賤貧安閭閻不復議此然區區之心不能自默求伸於左右者何哉昔嘗侍座側聞餘論不以某爲不肖憐其無辜若曰尚可教育使不終廢於世心非木石懷斯言而不敢忘今又困窮益甚捨左右而安所訴哉某一身漂零死不足惜有親未葬朝夕不敢自保妻子飢餓不能出門戶婚姻失時言之寒心可謂天之窮民也前者所犯本非犯清議汚搢紳不可湔洗收錄之入意謂要更赦宥當得復有舊物無何有司拘於文法止叙散官徒有被大恩之名而卒無霜寸祿之實豈能默而不言就死地哉方今之世左右當方伯之

任荷天下之重名四方之士掃舍人之門求為李膺之御於青
紫紆組綬不知幾何人矣懷特抱藝不乏於使令文章翰墨奔
湊於幕府如不肖者豈足繫門人得失哉然左右一言可使貧
者富賤者貴窮者泰瘞枯吹生易如反掌其困窮如此安得不
往告而左右安得不憐之乎使其得在奔走之列感生成之
遇如毛遂封常清區區事業當不辱於門下非空言也惟執事
者察之

上晏漕書

尚方先生

某竊嘗觀自古治亂之勢皆本其風俗之所趨而風俗所趨系
其當世士大夫之所養蓋三代忠質文之變窮而王澤微小道
私智各得其時以騁其所欲至於民之迷溺已深則後世興
者雖有善教不能合其已散况五方土物之異尚山川風氣之
異產者哉是故湯然高談放形遺世蓋天下而矯之者莊周列
禦寇也嚴刑名戒礼法刻核太至以生天下不肖之心者韓非

申不害也譎詐辯扼諸侯禍福之權制其縱橫之命以市已
欲者蘇秦張儀也激昂感栗許死不顧以報一日之恩而反速
人以滅亡者荆軻聶政也榮虛名尚高節深跡遠卒以邀王侯
之執鞭而終無益於世乱者此東漢之李士儒生也清談終日
守虛無淡薄以當天下兵甲之衝而卒抵敗亡者晉之公卿大
夫也失先王道德行以待後而至於此風亦已極矣欲其風俗
之不變其可得乎是故魏以褊而趨儉晉以奢而近機巧魯
以弱而少文燕以健而少慮齊之險詭晉之危乱荆之誣楚之剽
亦無所不至矣自新政流行博九儒舊以輔世化先生君子敦
大明偉之光相映於天下長厚和樂之風一乎四海而明公尤
以長厚文雅獨稱於此時其選任宜有天下之先望也故二蜀
惟丙南外險而內平其名山豪重而秀拔其流水清苑而淵明
其俗文而仁柔而近奢然壤沃而民繁詩文厚而地產殫故其
民思深而慮危利勝而競智及其弊也浮巧而多偷此朝廷所

以爲三川之使於明公也然自臺節按蜀以來將暮年未嘗與人驕競而日教之以敦厚也然蜀之士民無賢愚皆曰晏公今世長厚君子也相率而化之不敢犯其所不欲焉夫明公獨何爲而至此哉蓋傳曰惟有德者能以寬服人則柳下惠得聖人之和雖百世之後聞其風者薄夫敦鄙夫寬然後知君子所以不勞而服天下後世者貴其有德也且昔劉晏制天下財利以佐軍興民不加賦而國用足數十年間唐室再造晏而有力焉此其功非不偉也然至於致封山絕道之貢以爭奉朝廷之私厚賂多口以沽一時之譽人或譏其任小數故後世清議亦多其功而略其德焉然則德之能勝於世亦久矣其西南之鄙人壯緒窮苦無所賴以爲生自信力學守區區之義以族有德者而歸年逾強壯而無所遇居未有室扶老携幼以寓僧舍者逮今十有五年矣然忽忽自思古之人蓋有處亂世而無所依嘆大旨之不用仁心而不得飲食教職以安其生至有思得君子

以事之而不可見者較於今太平假樂之盛而復曾仁者在高位既而蜀人飲醇酒誅清風歛其餘溢以傳之子孫而它日復得備超走於庭下此孟子所謂况親炙之者其幸於後人亦已多矣然尚冀明公怜其生平而錄之

上提刑書

同前

某竊謂天下道勝權利則并野之民皆可為樂善雖不善無所害於世也天下權利勝道則朝廷之士不可而行義雖有義者無所忙於世也蓋嘗觀周之盛武夫至於好德而生羊不踐行葦則方是之時誰而為不善雖其未流至於以乘輿濟人此子產惠而不知為政也而猶以君子名於世按天子而今諸侯此管仲功烈之罕也而正天下民猶受其賜然則其盛也何亡而不可而格上帝哉春秋已來先王之澤蓋蕩矣以孔子之興善人猶不得見而欲見有常中道猶不可得而思狂狷則方是之時民誰而行義是故結駟崇臺游談闊步詭禍福之權以奪諸

族之氣而市其亂此蘇秦張儀爲盜也而猶以權寵耀愚俗挾
不平之氣以踐一朝之忿許命不反顧隱忍沒骨以期死於它
邦而無悔此荆軻量政之爲愚也而猶以非義驚震世然則其
踐者何民而不爲草竊效尤哉流風習俗之弊至此而極矣孔
子論君子必曰義以爲上義以爲質而其論士亦曰士見得思
義孟子亦曰士窮不失義達不離道然則士君子無非義也而
窮不失義士之難能也何則命繆而身危雖皞天且不能安勢
屈而利衰雖神禹其不得伸理數或然也而朋舊耻之而不游
親戚志之而不屬困不上口也而嗇夫猥子詆其不能辯遁欲
知退也而狂夫暴人笑其不能勇泛泛獨行而達人君子不爲
助其不擠於俗者鮮矣嗟夫真儒不試於世久矣士養於淺近
卑汚名不勝利千乘之國固難辭也簞食豆羹斯可辭矣而快
快之情見於色禮義不在萬鍾之祿不暇辨也蹴尔之土斯可
辨矣而雖非身死獨有就此其可而行義哉然則不失已今之

士有窮於命而知愛義則王公大人宜或不遺也果眉之曲工
也增孝能藝不敢較於衆而致以貧賤兩蜀莫先焉且世累衆
大所以養生急於貧而身之外無寸地忘慮風埃所以成身
急於孝而目心之外無家傳寄食於僧舍沉流轉徙于茲十有
五年矣世俗趨好在乎富而母以至貧也所悲世俗榮畏在乎
貴而母以至賤逢所侮是故衣履穿餓殍膚勞筋骨不治苟得
此貧之義也而人以為小康以盜名約妻丁之羞厚丰足之愛
分食共財急朋友之義此賤之義也而人以為輕而以傷惠夫
以孤游世日而艱勤為偶而內無良朋壯友以強其所不能外
无貴要親勢以相為羽翼而仁人君子持黜陟之權以當榮辱
之路此而不得自伸於世則崎嶇之守復何往而為遇哉伏惟
提刑朝議先生以頸世貴游而名業必以自致有勝真道德而
善常志於養人高而用中詳而寬明而不彰惠而和古之所謂
豈悌君子民之父母某今得親見而事之矣雖然君子易事而

難說說之不以道不說也是故審刑名察情爲法必當罪可以
爲明矣然刀筆之吏或能之整簿書詳會計出納之吝可以爲
精矣然管庫之吏或能之士從政雖善此不敢尚也言語應對
便僻擊踴舉動先意可以爲順矣然齟齬天壁入或能之託公卿之
餘挾父兄之游習居以移氣因養以移躬可以爲豪矣然出祿
公子類安之士之從政雖有此莫或爲也且士之所不尚與不
爲者皆不足以事君子而求說之然則非至誠力義安足以感
動明公惻怛之惠心哉某之不肖不敢以義自處然志之所欲
以望明公實在於此也明公臺節經瀟之日某始與群吏放進
于庭繼而明公以聞故遂不得從容既其平生于左右此其所
以區區不自已也惟明公矜其生平寸迹之孤艱念其窮困不
忘之寸節察其所言考其所行而參以士議之可否苟可操薦
列之以備下風之末非惟孤介之士知其終有所歸抑亦來者
知義之不屈於貧賤此又君子之仁術也

上姚運使書

固窮先生

某才力寡薄家貧無以治生讀書爲文皆出天下自登仕籍稍欲習知吏事以効古人仕優之季而初出官輒參劇府果於自用觸冒官長之忌以至困窮逮來文臺而郡小事簡且專吏於州長貳掾屬趨走其間跼脊莫敢可否竟亦無所施其勤竊謂古之君子應世出仕自宰相而下以至州縣之吏莫不皆有富貴利祿之私而無愧昔子張問政子曰居之無倦行之以忠子路又問子曰先之勞之請益曰無倦聖人之於政事不求多言致公盡正而終之以勤使富貴利祿之私不能易吾公廉之節此孔子之所以教二子也公儀休相魯見織帛怒而出其妻食於舍而茹葵愠而拔其葵晏平仲以妻不衣帛馬無食粟每旦待而奉以孝三百家夫葵當織皆未節待而奉以亦細事於三子之賢未有大損益也而前史列之爲循吏首孔子有取焉蓋公儀休志於不恤私家而晏子以服勤治國而先百姓之急此

所以出稱賢相顯名諸侯也今川蜀在諸道爲遠地而利豈東
陝益之聞士瘠民勞雖列郡十數大率皆山險僻陋自州將而
下皆得就本路擬注去朝廷既遠士大夫皆懷士重遲而見聞
淺由其捷進無初者類皆將公營私而後生才進者邀功求
進不習世務是以州縣之吏好私而習情部使者每歲不過一
再至而畏途勞頓亟來遽去吏知使者之無留也具文飾案開
然群集於前以幸使者之不及郵車未鼓而無狀之迹旋復舊
矣以山險陋僻之鄉養好私習情之吏而欲於遽去亟來信宿
之間盡其事之治不民之休戚何可得哉自閣下到郡其踐且
賤不惟時通名於下執事竊聞道路之言皆謂閣下正心弊國
盡公而繼之以勤蓋堂面數人過失使之自新而不迫之於險
持公強明察之智而行之以寬厚長者之道於執事詳而不苟
所至州縣久留必欲究其利病而後已故數年之間一路清肅
君子愛之小人化之清節賢望標標無幾公儀晏子之道風矣

若某非實能忘私也而竊慕之且仲尼之門先政事而後文學歐陽文忠公與客言多吏事而不及文章或人問之公曰文章止於潤身政事可以及物以人望我皆謂翰墨致身以我自觀曩者一言之力也伏惟閣下幸古入官以廉節自將實近世之表式其取人不責備而棄之可用是以輒據其所欲為閣下道者試陳其略尚其於閣下而學之

上憲司書

劉侍郎

某謹齋沐焚書拜上提刑大夫明公閣下竊惟閣下奉使入蜀首尾三年于茲矣蜀中縉紳士大夫與夫四方之遊官於蜀者不知其幾何人求而得者幾何人求而不得者幾何人應者有盡而不求者無窮意者閣下亦厭而鄙之不予某嘗思之此非獨士人之罪時使然也先王之世所以進退天下人材之術為今大異蓋自堯舜時已有二載放績三考黜陟幽明之說至於成周而其法大備官府群吏日考其成月考其要歲終則彙考之

其會而議廢置三年則三者大計而誅賞之當是之時才者有所勸不才者無所容凡所以正其位進其治制其食作其事者莫不有先後之序故士皆安分樂業惟上之所進退易嘗有此奔競馳騁之風哉周衰先王之法壞凡上之所進退天下之士者一出於保任薦舉嗟夫保任薦舉之法行則奔競馳騁之風作此理之自然勢之必至也豈獨一人之罪哉孟子曰古之仕也猶農夫之耕也其失位猶諸侯之失國家也無用則不祭出疆必載質士之進退固不足多責論其正與不正亦某迂昧寡合衆所非笑獨閣下惻然以爲可教獎借誨諭似非偶然方此依賴而遽聞閣下有使吳之命雖欲長侍下風可復得乎是用忘其鄙陋而妄其說於左右惟閣下觀先王所以進退人材与近世不同憐士之進取實繫於時而寬假之不勝幸願于冒崇重戰汗之至

元老聞古者天子諸侯自國至于郊莫不立學而講道義其中
凡爲天下國家之道皆出于 是德行攻于是賢能興于是教
化行于是風俗成于是下而至于射鄉飲酒養老勞農爲夫受
成獻敵討囚之事亦莫不本于是三代而上道德一而風俗同
教化行而民德厚政事治而礼樂法度無不彰著四夷六狄無
不賓順盖由此也此衰道微孝校廢闕爲之君爲之臣者不知
養人以善顧區區顛沛於末流平居從事惟獄訟期會刀筆箱
篋是講是習是究是急是以爲治至於孝校則荒弃而不之省
又其甚者燔燼殺士以自危害其他一時君臣掃除先王之遺
迹無復在者而獨孝校爲僅存豈世雖惡孝而理義之在人心
者終不可忘邪恭惟國家庠序之教放乎四海攻其所自蓋行
於庠序盛於熙寧元豐而尤備善於今日教養 道作成之方
禮三伐庶不及而有亦又命士大夫之道德純備足以師表當
世者臨被諸道其權与位在部使者之右古之道也竊惟執事

器博而識高學醇而守正風節厲而行義修誠所謂道德純備
足以師表當世者今茲被上寵付按察西南屬部之吏莫不願
差所有以卜左右非常之知而元老也又幸得借官泮林受察
於節下其視他人固當厚自銜繫然區區鄙意顧不在此深惟
古者致治之原實由學校凡上所以寵付執事之意不但選言
致藝外進多士至於道德之一教化之行政事之治繫執事是
賴而執事亦將以爲舍我無任此者元老是取輒陳古人立事
之本意尚所望乎左右者以獻伏惟執事取其意略其愚而幸
察之

上陶漕書

灌園先生

某謹薰沐裁書贊獻于運使龍圖先生白坐某不佞自解褐歷
仕版于今二十六公一顧於州縣同袍間最僥倖者未嘗暫挈牘
綴緝語言脂車突梯以干名求薦于公卿之門非某之才之譽
過人也偶復僥倖耳至於國計財用兵民利害頃在朝廷猥以

管見彘測上千君相之聰明不啻十數事出雖不知事或見從此在某無愧于心者自艱棘災病幾一周星喇藏泥伏未嘗以尺帑爲身謀君相大恩不問幽遯虫魚草木皆荷軫記如某者遂司符唐安民醇事簡便近習熟使某自得無過於此鼓舞打踊感愾而繼以涕零卑自去冬合符初見吏民以謂承流解國莫先於邦計於是問一歲量入爲出之數問見緡宿穀之多寡問積年官私逋負之目問窘匱救拯之計爲之駭汗礎魄里乎昔所聞也朝巾不解擲夜首不及枕機飛翰走騶鞭貫木不絕於朝暮而逋坑債繫僅如投粒官吏惴惴常負不敢之罪蓋唐安四邑阜水貫其中西山峙其右土田墾闢沙磧隄倉下逃亡之外緣牆之及者十四水旱固未保也而一歲輒漕之計乃爲錦官都會之亞度長挈大可謂不相侔吾民之困職此之由也意此官吏之罪其來遠矣且黎素博馬之練其在他州無幾唐安彈圓地以匹計者一歲二萬八千昔者千錢而買一練二

萬八千而買馬之計足矣又況自數年以來多取而民不較負
重而上不問苟且以應欺詐欺以買實因此循習養為今日之
患是謂因循之弊其害一也鹽鐵江海之利唐安所无秋夏倍
常之稅唐安所有修葺之下地曰靈泉一畝之稅米以計計者
兩之錢以十計者四之此他州所無也而況落江逃亡理絕追
究公田弱女法許半輸單家寡人赤手無計年華屢改人目空
存登帶虛名以為科約加新理舊姑救目前有限之租所得僅
半不貲之用尚欲取贏性負未蠲新逋已積是謂登帶之弊其
害三也有質易而後有田契有商賈而後有市租爰自上司預
為月額新獲未數指為實欠積月而歲新舊相乘謂如田契一
月之額當三千貫為是預行虛立之數遂包收餘欠明年科約
遂曰欠紙雖准為歲計此錢帛綱運所以冠於他州而亞於成都
者虛額為之累也是謂虛包之弊其害三也以一歲租輸所入
之數為一歲綱運所出之準此量入為出之類也

所入七方即
科約歲計十

萬之事有緩急財有異名那融移易以應倉卒之會是知綱運
既足於使司而租輸未足於州縣綱運既足則租輸者那融移
易之償也不復係之使司矣乃以今歲之通租復爲明年之利
約其謂重收之弊其害四也夫因循登帶虛包重收所以弊吾
民者累有年矣而又有甚焉者唐安錢穀布帛可以分揣而粒
計以理摩之豈復贏餘且州倉万斛之米所歸使司支移府倉
問其故曰取有餘補不足此有識之所駭笑也繁簡異時盈虛
異數論者乃曰府倉支移其事遠矣非今日之輸徭役昔無而
今有者昭然可考則万斛之米昔取而今還者理亦宜之夫在
上者指虛文以責邑在下者指實利以与人割四又以資頭目
新來故徃其限若一那融移易無復措手矣嗟寒啼飢乞憐告
急渠能默默於門下也且實利在人虛名在我乃復坐視拱手
待罪以去惟門下之所不取也先生與李盛德特立獨行其在
古人獨一二數乃者奉命而西郵音初聞而吾蜀百乃生靈皆

聖賢有生意今將一年矣捧檄之吏朝而頌戴白之老暮而祈
曰先生之厚德也今日之機會而失之乎且膏肓之疾斯湏之
命先生惻然又矣不待其之去去也夫殺一婦而旱者累年伸
一囚而貴者奕世今日盛德所暨春風無私豈特一婦一囚而
已哉嗚呼許盡矣塵纓小吏宜徒道一身之責而已哉依仁於
明下者甚重而祈活於門下者甚急幸先生斷而行之使狼戾
之粒於復歸於吾廬而盡餅之虛名不掛於通籍何啻生死而
肉骨也異時先生兼善天下唐安千里踴躍於造化中者固何
所逃而輒守之針黹頭戴戢所異朝夕之活者頃刻以俟伏乞
先生賜以終始之德幸幸甚其情迫事切不克繁多幸先生裁
之

上翟提學書

東溪先生

多子所以高天下者氣中原所以強海內者氣中原何有他氣
哉氣氣於土而已矣有國家者託跡於万国氣氣於兆人士氣

強則國幹強氣弱則國幹弱善馭氣者但聞達之使伸不聞摧
之使鬱但聞養之而使說不聞挫之而使衰譬之鑄錙千將時
出而淬礪之其揮霍之艷舒開之光已足憚燕先而昇魁魁有
賤丈夫不知此匣而埋之隴下雖百鍊之鋼水津土蝕復幾在
而不鈍且腐也晉武平吳吳人之氣每懷不平流言吳祚必復
元帝因之用續大統王道爲相勸帝參用吳之秀彥以安遺人
當是之時吳之疆域視北方裁四之一強兵猛士之一卒能抗
北虜而垂百年根植之牢施及數姓直無他特恃吳人之氣有
以固之也季氏以柱國之貴世顯北朝太宗既有天下每議論
間常佑北人魏鄭公進言陛下天下主不宜有所偏徇帝驛其
言南北參用而天下安此無他用捨均而天下之氣平也如王
導魏公可謂知國勢矣漢誅董卓或勸赦涼州部曲王允不從
而漢家遂亡田洪正以河北歸唐悉籍土人之桀黠者言諸朝
而請用之宰相崔植暗於謀國不從其言及洪正北還失職

之徒從之如雲唐復失河北使王允崔植稍踈通赦書下則李惟郭況知有生意而無陷城之虞恩澤稍施則朱克融王廷湊苟望寸祿而無割據之患嗚呼兇悍狂狡之徒氣一伸則天下之害可轉而為利況士人乎哉利害興廢之機較之止在一線間所以判者覩與不覩尔方今天下一家朝廷措置之術曲盡其妙所以待吾蜀之士亦無異於他方孝術文章可為南省第一者公取為第一可為廉陞第一者公取為第一德性才術可為卿相者卿相之可為侍從者侍從之其餘後進之士拔擢擢有寸長者與三方之人錯注仕籍所以異者四路限員與夫士不任郡守原朝廷設法之意特矯蜀人懷土戀鄉之枉豈有他疑哉然紛紛之議謂賊諂以來朝廷至疑蜀人故取之與天下同用之與天下異衆口相扇互同一說甚可惜也夫示人以不疑人尚自疑况示人以疑誰非可疑者昔之任權數陽與人合而陰疑之然後徐觀其所為今朝廷所以待蜀人無異於

天下而陽掛可疑之聲於耳目其非所以推腹心於人也借使國家果有疑耶則措置之方不宜止於如此借使無疑耶則人多言得無傷國弊欤某官先生以德行道德之選秀出士林持使者之重權領師儒之高選一路重臣莫與爲比豈特倚席談經揮麈觀而已哉視聽爲人主之耳目設施係生民之利害察岷峨之習俗採井鬼之風搖言之廟堂更易措置使千進之士有以少平其氣實萬世無疆之休

新刊 國朝一百家名賢文粹卷第九十一

新刊 國朝二百家名賢文粹卷第九十一

書

上監司帥守書三

代李公上韓都大書

東溪先生

當開元間韓氏有諱朝宗者擁髦節於襄漢間翰林李白奉書投謁有不願萬戶侯而願識韓荊州之語自是袖刺奉牋之士鴻筆麗藻之人一借僕家謫仙謁荊州之語韻以潤色簡牘則雄詞逸氣驚動笑林然不知荊州之所以待太白者果若何而太白之所以報効荊州者亦未聞也及文公退之以儒術文章器識節義爲一社領袖則李翱以繩墨指授取聲名李渤以經濟激發起沈伏李漢以議論雅合致許可翱之文詞亦不朽渤之倖直卒不撓漢之師資卒不負在太山北斗間不失境品炳燦取瞻仰於後世然則李宗於韓門其氣類之相合顧遇之相照有自來矣某眉之下邑一鄙夫也少以黃卷策名書生由書

生而爲邑尉由邑尉而爲縣令由縣令而爲府曹三歷官矣五斗硬親盤旋蜀部既不得抽身投杖以遊宦四方又不能出辟會集以干謁貴要名不聞於仕路官不顯於衆人以補官而官未必調以苟祿而祿未必進矧欲自脫於卑迹而求致於清顯哉此者執事之吏見知魏闕領命秦司輦下故人有以某之姓名薦及於聽覽京蜀万里寸紙寄音既不知薦者之力尚不力又不知受薦者之聽與不聽方欲恃所薦以求知於君子而荷恩於明詎何可保也退思有以旤微誠効薄技亦不出於毫楮間使其緣疎而命窮萬言而爲不足緣合而命通一言而爲有餘而閣下於其見知耶片言而親不知耶多言益贅此其所以不敢自默輒以此自効也伏惟某官以盡忠竭節而事君以進賢任能而報國而家世功業以及引後進爲已任其間寸長或遺片善不錄若負愧耻方且博操先容俯納介紹以舉其所不知必不以薦者之言爲弃勿也昔李膺接門非世契不通孔融

聖引千百年之孔考以自級觀融之言謂之恢謫而賞之則可
謂之妄誕而黜之亦可元禮好賢而樂善卒以恢謫而賞之天
下不以元禮為汎取而文舉為躁進二人卒成後世之名况僕
家謫仙以高義據荊州而翱渤漢三子出文公之門既相與於
當年遂著稱於後世去今尚近推實不誣閣下辨其誠而取之
垂荊州待遇之情使其得追展謫仙報效之實異日恩館之下
儼不能為翱之文亦不失為渤之節既不得為渤之節尚不失
為漢之勤使弊宗受賜韓門茲不絕於聖世重申先代之恩遇
不其偉歟

上提學書

臣前

某聞前世學士大夫涉世之迹謂文學政事為末節而特以人
物為先務方三代之盛際當途達官既蘊知人之鑑而兼拔士
之勤左提右掖惟恐不及周道既隱上之人仁心與時政寢微
不肯飲食教職刺於黃鳥之詩考其表而有是刺則知其盛也

必有是美當時習以爲常而不顧列於詩書然幅員之內裂爲
數十國知人拔士國有其人在上如魏文燕昭在下如叔向季
扎莫不皆以招延品藻自任於天下而士之聲價愈重用是諸
侯愈強而周愈微秦知天下之勢在人材不能沃其本而茂之
反加燬焉人材熄而秦從之理固然也及漢魏之間人不知天
下之先務緩所急而急所緩舉天下之人物寄於郭太山濤數
人掌握中士之有力者不遠千里馳車結駟填其門以求品目
然智能識之者力或不足拔力能拔之者智或不足識二者不
能相濟已無益况乃門深地隘木多匠寡取一遺十清議收歎
然當其時一經藻色至今向爲美談自是而降茲風愈陋如韓
擒虎之知李靖韋誥之識裴寬寥寥數百年間無幾矣其曰其
人貴其人賤某當公某當卿自觀品列往往屬於廉賤賤工商
堂之上職衡鑑者傾聽其說唯唯而神之不已疎乎恭惟主上
挺堯舜之智急親賢以爲先務臨軒識擢得偉人而諭道上公

亦以人物爲已任往往取則於訟牒間士生斯時千載一遇
何其盛也先生以道德高才親出主相之鑪錘領坤維教化之
任千祿之士拔寸長者爭出門闥衛轡以需薦拔人人皆是先
生有斯道居斯時而某生斯時際斯遇此先生以古人自任而
某以古人望先生之時也嘗聞先王之士有一言而受知有一
見而受知若尔者固多其人某自碎離請教部吏効官所以見
者非一也所以言者非一也又不識於先生弃取間如何也昧
死敢以此請

代上邵憲書

同前

某廁跡士大夫間久欽名德已歷年載嘗恨無由飾塵容以接
眉宇又慚不得綴下列以聽事役比者輒披逆報併閱除書恭
聞先生覽按察之轡叱崎嶇之馭不負激昂拔越喜動神色自
謂龍鍾晚節定獲知已席間適有親狎之客作而言曰邵使君
之洪波茂璞雖優於納汙匿瑕然冰盡朱烝亦不掩螢而蔽枉

門闌之峻誰敢輒窺況今之爲吏者貴少而不貴老從官者務巧而不務拙求知者尚譎而不尚正而子以衰暮之年東方推之操而乘輿奪之勢不知何術以資身其應之曰靈客之所云似近理然固衆人之談也夫所貴乎君子者以其異於衆人耳胡可以衆人之談而料之衆人之所輕君子有時而重衆人之所弃君子有時而取子鄙僕衰晚希進然自古在昔何限年齒而推老成耶子抵僕之方推似拙然優器識者何取質直而惡矯飾耶子謂時之傾奪苟求然抑俗弊者何黜奔競而取持重耶况蹉跎於末途者在所憐魯鈍而無大過者在所恕沮沒於勢力之壓者在所援子之短僕者三以僕觀之安知不爲君子之所動心也哉客既不能析其之說某遂書是說以備執事者請見之資伏惟某官先生世德淳常家聲莫重甘棠之茂陰故在而黍苗復致其思江漢之流譽未窮而常武又歌其美茲惟永世是以前人溫厚本於天資周旋感發於人望畫輪所至膏肓

亦均此某所以敢肆狂易而輒于翦拂某成都人也世襲簪笏
闕明見從各以藝能少壯成名頗有班級獨某頑滯莫遂跳盪
蓬首一命方圖發仕雖躋白隱年姜有少壯實爲可貴然余光
頽景自坐棄置亦爲可惜前任恭州某官不唯苟免譴咎兩蒙
漕憲李別閔外所賴止欠其一垂成之際正仰恩門伏冀先生
覽其說而憐之母容客之說得伸即某未勝幸甚

上使者書

趙編脩

某觀人心皆有偏重不回之處所重不勝則他無以移之唐虞
三代之士道德之重非道德有所不見功業之重非功業有所
不爲戰國之時士心毒矣漢興爲士者重志術而東京友之徒
重節義唐之諸人色色有之然三代之後道德功業已不及古
而爵祿富貴偏重之矣其間最出下策者隨物俯仰苟且旦夕
之利而無堅忍不拔之操此古人所謂播糠眯目天地四方易
位而孟子謂之流俗者也羣憂益稷號稱命世之士不用則律

一身用之則福天下伊呂起匹夫而功冠万世方寸之心足以
取重又誰能輕之蘇張犀首一日不事權變則心搖搖而不寧
李斯恬毅規救人如刈草藁其平生用心如此爲限局而無復
寬淨仁恕之念術或使之也西漢大臣詠制諸呂蓋以智術勝
而東漢李固以降皆陳旣誇節義唐之房杜顏段往往兼得之
雖然向所謂道德功業之盛已轉而投於富貴爵祿之場矣夫
爵祿富貴以道得之曾何足以乱於人心而古之人獨以謂是
心獨重則道德功業之心自衰無復隨物俛仰苟且旦夕之利
而無堅忍不拔之操則其視唐虞三代之士能無深愧哉道德
一而爲功業功業下而爲爵祿爵祿下而爲富貴其尤下又爲
苟且之利而戰國以來絕望於道德功業之實蓋其心之所重
者日以迫切而流爲淺薄故也今有人少而讀書頗弄意道德
雖當世功業所不敢必而爵祿富貴不入於心者三十四歲矣
向者濫墮大李英俊之遊高自標致不肯少屈常心確然似有

可觀者此者投牒禮部一擲万里而東西南北之身無所容
柔辭宛色從事干謁使平生道德之心屢變而為苟且之態則
其用心輕重遂有百倍之失中夜尋省焉初心不侔安得道德
宗師將身役而奉承之以規正心術之謬邪伏以某官閣下久
以道德承弼本支而出按一道教為功業廉直勁正之氣卓然
諸公間此所謂道德宗師而人物之準繩也某惟宿昔取重者
無出於道德而道德寔見於閣下故前日堂下之拜未伸一言
而閣下携手以上問勞備至元親戚之託無故舊之因無先容
之薦而某又非文墨足以動悟左右者之耳目徒惻然憫其力
孝先成而察其非苟且且夕墮物俛仰之人耳用是輒忘其卑
鄙庸陋而拙書以謝附以鄙文史論表記詩詞凡二十餘篇伏
惟台覽幸甚

代上馮憲書

東山先生

竊讀范曄書見孔文舉以妙齡偉俊之賢游先達之門宜乎以

正言鯁論動悟卿相雍容于其前其謁李河南乃借孔李同德
以義而相師友有通家之舊以取一時容悅夫自孔子至文季
蓋三十世七百年矣使河南世系實老氏之後則悠悠華胄固
亦可笑何足誇乎及三復其書而得之方漢季綱紀頽弛時而
河南獨持風義以聲名自高号爲一世龍門其稱譽文章豈獨
取於戲言也哉東漢重節義而其相姻友者皆名閥大家故文
季得以通家之舊爲河南所知世契之重其所從來遠矣竊者
太平全盛時汝潁之門儲積彗靈乎爲許士朱夢田第列戟行
馬莫非名家劒佩鏘鏘冠帶義義莫非聞人家詩戶書推夫談
王莫非儒術時則有馮氏呂氏以德行冠冕一鄉惟先正尊相
府君尊君中大其之伯祖實相友善迨今才三世耳乃遇閣
下以文章取科第以才猷結主知朱幡玉節榮耀當世門戶益
大而呂氏之後流落不偶迨于不肖子其不能負荷貽謀之重
貲延一官衰冷不振居邇調二十年蓋常水邑巴丘仕酒正

浩上七書考矣諸臺列薦法當遷秩文一再上輒爲內銓沮格
亦復七年蹉跎無成虛老歲月既稟性方拙不能復吏州縣而
退居多食又不能忘情仕進乃蒙今制置李公辟置幕府得五
斗祿以怡嬾親又閱其登仕版二十年不得一京秩則入爲請
于朝俾即真命又得通用四路部使者薦章其爲縣亦大矣今
閣下肅將綉斧觀風右蜀好賢樂善容接後進而某得以先世
之契贊見閣下則收功借譽方有一成茲其時也哉伏惟閣下
鑒孔李通家之舊念伯祖一日之契引而進之使汲公之業不
墜於地則某雖不肖尚當激昂雲路以報知遇交不在衆人下

與方提刑書

石月先生

聖人之道深遠難至如登山焉進而愈高如觀海焉涉而愈廣
近固高矣勉之則躡其巔海固深矣久之則造其涯至於道也
終身行而莫之至愈望而愈遠行而愈無盡其涯及此未嘗
不憂年長歎以謂生而不聞道與夫聞道而不行行道而不篤

是直與草木同腐於大塊之間爾雖然道之在天下本根同共
源流異致聖人之道如真金美玉亘古今而綿宇宙雖千萬世
之悠久莫得而變之也諸子百家之學相於異端難於邪說譬
如煮沙雖經累劫終莫成味然則君子之於學可無慎乎儻或
講之不明擇之不詳取焉而勿精守焉而勿固皆未免有患也
古之善取道者於此沒身焉故其上者施諸當年以爲澤其下
者行諸來世以爲書孔子之六經皆聖至之言後世莫可幾者
孟子之仁義莊周列禦寇老聃之微談亦皆道也揚雄荀況王
通之流雖駁雜褻淺亦皆賢人之言卒者愚無志焉爾苟有志
於聖人之道慎所去取而力行之不倒道而爲叛道而說形諸
簡冊藏諸名山大川未必不行於後世也某官天性圓成靈源
內觀自少年以高才博學步上庠蹴殊科職教廣文作成主類
李二大夫欽望餘光以矣天子銳意經術尊崇師儒其制作法
度休有成周匝命閣下贊育美化所以委寄之意重矣其獲

使麾之下不其幸歟去秋伏承按臨某竊觀閣下氣舒而和辭
簡而理貌溫而有禮粹乎仁義之言挺乎圭璋之表異乎世之
未聞道者某久欲爲數字之書以玷清輝大懼無因至前今閣
閣下樂善而好古飽孝而有文善者誘之迷者覺之不能者矜
憐之循循然以聖賢事業爲心胡可默而不言邪某天質庸下
了無他長閣下將以寸孝取之歟某綿薄寒陋素未有聞而才
孝無足取也將以文章取之歟某素性頑鄙不善雕琢其文章
無足取也將以漁獵古今通貫羣書取之歟某於諸子百家之
文帝上粗語不甚喜觀而漁獵通貫無足取也舍此三者閣下
將何以取之自視年齒雖高尚有志乎孝閣下如賜一言之教
使其知所指歸則閣下之賜大矣雖然某強顏苟禄其不得已
非素志也鄴山之麓鄴水之浹有先人弊廬在焉行且歸老講
求素志以盡天假之年此之榮利灰心久矣謹以所爲文一冊
隨書獻上閣下乘閒試一觀之幸甚

代上提舉書

同前

韓愈知名歲曰內不足者急於人知需然有餘厥聞四馳某三
復之未嘗不味真言之是而俾其氣之壯也速觀其上書宰相
四十餘日書三進其書愈堅其辭益恭悲切婉順若不足活朝
夕惴惴焉惟恐不得出門下而其言大相戾豈其立節不堅所
養弗固而然歟非也久在窮困自負不群鬱鬱不得其平焉耳
不然是而貪祿好進者無異也豈退之之心哉嗚呼退之剛方
不撓士也其立言炳炳可喜不幸不見知於人未免僕僕如此
况餘人乎此某今日所以願有累門下不識閣下能俯而聽之
否某姑蘇一鄙人生於寒族長無師友無孝問以竊名於時無
援引以取重於人又無仕進意及年齒浸長事隨日生居并獨
念丈夫之於出也為其窮困無以供計自不若仰祿以為養而
其群居以終日不若勉力而為仕尚其碌碌以同衆不若墮于
分而就功名寅緣得為仕籍于今幾年矣初尉某所次掾某所

初無它長惟知自愛而已某之來此亦推是心質諸鬼神可也
况一邑之任其地雖小其責甚重某敢不孜孜以長民爲念乎
自去秋以來當路過有禾錄然某之三考將滿草之缺者未完
不有仁人君子其誰爲之動心乎閣下才氣過人肯中落落不
爲常人類少日權輿糾入顯仕敷教上庠已爲多士之矜式矣
登清一道又爲部吏之儀表矣公以待人忠以許國直欲爲天
子求才可奉則率不待其求而後與也不可則已不因其有所
挾而曲從也請託不行姻好弗私則閣下用心其如何哉某是
以冒昧而不疑雖與內不足者急於人知相矣閣下以昌黎之
心恕之可也某聞車以三十輻而後成器一輻缺焉不足以爲
車妻以二十五絃而後成調一絃缺焉不足以爲瑟太常音律
未正荀公得趙商之牛鐸以諧之黃鍾久鑄未成李嗣真得崇
業之埋鍾衆樂遂和某今日一事太率類此閣下果能一動心
乎其可不替命也

真路王提刑書

登其山先生

夫人生而卓然及死而與草木同腐者雖富而貴不能自解免也其有可以亘萬世而常存者獨幽憂困窮之士窮愈劇而思弥深於是自孔子有所論著而嘗再逐於魯削迹於衛伐樹於宋織於陳蔡不容於天下其窮特甚故其辭甚偉其道最尊而傳亦最久其徒曾參原憲亦皆以不舉衣不製者動以歲月論故亦配孔氏以傳及左丘明孟軻莊周虞卿荀況屈原以來其窮有濯淖則辟有精粗傳有久近然則文者果未祥之器歟曰非也夫蒼然在上而無聲者天也故常就善言者假之言然非粹抑摧暴則彼康居而佚處外之利欲交乎其前是非瞠乎其後內之清房煥室便安而惡煩則一暇知吉凶悔吝天地萬物之變不暇知吉凶悔吝天地萬物之變則不能極其言言既極而窮亦至矣則天思有以厭慰之故使之有傳於後不然如孔氏之徒救者無罪籍者不禁其勤為之傳哉天必有以相之矣

彼公卿大夫則有傳者有不傳者是以君子不以一朝之得而
易五芳世之傳故困窮而不悔貧賤而不恥久不知而不愠凡
以此也其自少無亡能惟知君子之所以能傳而不亡者好焉
似亦於其道不至底滯然始猶或近而志遠見世之有名位者
色慕之竊傷悼恐不幸類向之所陳者及出仕果困耳要幸所
學益遂久乃自喜將天欲假之言使有以傳而不亡也耶故亦
不悔不恥不愠求極其所學以自附於聖賢之錄是以由仕以
來不願進亦不願退姑欲託於祿位以畢所志蓋自知必淪絕
於今而僥倖於後之或傳也顧近世所謂之文者大抵篤於平
近習於賈未有異於是則斤為艱險謫怪之辭曾不知三代兩
漢之所為傳者誠何如也或曰吾師其意而已奚文之拘是何
以異夫慕三代之彝器而工不至焉其亦何觀乎嗚呼古之文
章其果不復也此所以不敢辭困且竄而思於是盡力焉謹錄
近所為文若干篇以獻執事察其弊止俗之所尚以從寂寞之

道使傳於後之或傳其亦可哀也哉不宣

上總領趙少卿書

同前

天之所爲榮名顯休惟有功於天者而後畀之也民者天之所其愛吾能裕焉則有功於天者也若是惟制民之賦者爲能裕焉近世則以謂利者國之所資而取乎民者也昔者衛鞅桑羊皇甫縛王珙楊慎矜劉晏之徒往往觸刑禍雖孔子稱管仲曰如其仁而仲亦不祀於齊或者以爲利不可爲也然彼所爲者非聖賢之所謂利也聖賢之所謂利者必先裕焉春則爲之相江陵定淮直利隄防具曲植以勸蠶事夏則爲之巡縣鄙蠲獸害行水殺草以祈穀實秋則告之謹墾塞脩園倉趣收歛務蓄菜冬則告之出五種滿田器以待來歲之宜凡有可以佐民求助於神者無不爲也故詩曰琴瑟擊鼓以御田祖如是而阻飢則天亦錫之以祉故詩曰誕降嘉種維秬維秠維秣維芑民咸得豐給而不乏且有以肅給公上比之爲利多矣豈必奪民而

後可哉夫以奪民者有禍則知裕民者必獲天之策名顯休者也竊聞今歲之春天子親載耒耜于郊以戒農用已乃出執事于蜀以制民之賦其嘗恨近世士或避不肯言利其有奮而爲之則又非聖賢之所謂益焉以爲民不復見如古之制民之賦者以死也西者大夫士皆道執事博器宏度而達識能如古者也其於是不惟喜執事將獲天之策名顯休且以賀斯民之遭也自茲凡制民之賦者惟執事爲法益知務自勉則執事及物之功豈不博哉其宜受報尤大也不宣